

古香书屋诗鈔

卷十一、卷十二

古香齋屋詩

卷十

古香書屋詩鈔卷十一

浪穹趙輝璧子穀著

孫一鶴重校刊

林下草上

抵家三月無詩悶甚偶得謝石臞廣文書有感

山人有癖人皆知。山人之癖耽文詞。山人況有還山樂。胡乃百日無一詩。社中詩侶死過半。獨唱無和中心悲。

寄庵老仙羽化後。

劉大紳師

可憐鸞鶴聲差池。

卽園李君於陽匏

生

王君毓麟

又謝世。騷壇何人能鼓吹。存者石臞老詩史。有

如落落晨星垂。五華山下一相遇。形顏憔悴非當時。相

遇未幾旋相別。山居離索長相思。遠方尺素忽遺我。開
緘喜氣生吟髭。首言相思情若渴。次言薄宦驅於飢。老
儒勉捧毛生檄。吾邑幸得蘇湖師。我方坎軻自垂翅。君
亦踴躍徒衰姿。爾我俱非少壯日。歲寒松柏宜固持。山
中苜蓿豈無味。山人有酒斟酌之。重與論文知有日。爲
懸一榻添一卮。

長至

去年至日愁孤客。至日今年臥故廬。昨暮時光應短極。
新晴天氣乍長初。心旌搖曳懸衰病。腰鼓喧填動里墟。

稍健強尋林下樂。未知明歲復何如。

鳳翔書院示諸生二律

臯比愧擁樂忘疲。吾黨成章正有期。童子休將互鄉比。
里人尙恐彥方知。遷喬彼鳥猶求友。攻玉他山貴得師。
莫效衰翁荒落甚。青春無復再來時。

立身要自期千古。績學伊誰擁百城。莫誤青衿嗤瑁璆。

須從黃卷擷菁英。西山經庫懷前輩。王西山先生名崧最稱博雅茂

苑傳衣待後生。顧南雅師名莚又號茂苑刮目殷殷望諸子。升堂何

日進高明。

病餘勉赴諸同人招游帝釋山之約

不耐拘攣學楚囚。病魔稍遣已忘憂。
梓桑風俗敦龐古。霜雪崢嶸歲月遒。
幽徑穿雲行磳礪。深林斜日聽軻輅。
同人大有逍遙樂。差信清游勝宦游。

偶書各寺觀聯額慨然有作

物外歸休任所之。得歸莫更怨歸遲。
幽人已叶懸車夢。老馬猶餘伏櫪思。
泥雪偶然畱勝地。風塵誰更問當時。
孤懷汗漫何從寄。擲筆蒼茫自詠詩。

與李蔚南

舊雲

同研話舊

時方自晉歸

龍鍾對影兩相憐。勞燕分飛二十年。交誼難忘方總角。
當仁不讓每齊肩。折腰無復羞陶令。沽酒惟思覓鄭虔。
皓首窮經君勿歎。古今聞達幾人傳。

讀杜工部詩感念復有作

文衰歷時代。高才競綺麗。穩順聲勢何足云。牛鬼蛇神
亦流弊。偉哉杜老來堂堂。冰雪雷霆淨且銳。光燄萬丈
誰能攀。浪掣滄溟將溢世。元氣淋漓貫金石。真宰淒涼
訴天帝。衆說蟬噪徒塵囂。沅湘騷人駕安稅。我昔望影
走且僵。脆筋弱質難孤詣。只今嘗指偶咀味。迷子還鄉

應泣涕。念從籬下窺門牆。方蓬縹緲已遐睎。誰教病骨
悲蒼涼。坐歎光陰等川逝。一自東序聞鐘鏞。緒語百家
悉疣贅。惟循根柢探真源。千載空寥孰高繼。

帝釋鶴林二山以戊戌地震之變傾圮殆盡適余
移疾歸里勉修葺之漫紀二律

何處尋初地。悲涼入望來。上方餘廢蹟。浩劫認寒灰。瓦
礫甃麗竄。荆榛鳥雀哀。斜陽猶戀戀。無語下空臺。
不見當時榻。摧殘劇可傷。昔游停屐齒。雅興失壺觴。聊
助老農粟。還瞻古佛光。落成應有日。野望迴蒼蒼。

吾邑未諳織紡爰製機杼示人并擇師教之

君不見明河耿耿出天上織女牽牛屹相向又不聞

聖主之治高法天圖成耕織懸

御筵懸書月吉猶

虛語躬耕親蠶自

天府先蠶先穡昭明禮一粟一

絲重下土吾鄉僻陋衣裳單妻每號飢兒號寒田家嬾
婦坐觀望待蠶而衣吁可歎蚩蚩者流難慮始欲坐視
之情曷已製成機杼持示人道旁觀者色然喜四民失
職我心憂土澆俗敝難借籌可憐衰病不自感慷慨猶
爲他人謀鄰火篝燈照東壁兒女家家當夜績咄哉微

物解趨功人獨何心敢辭責一女不織奈寒何從今勉
業無蹉跎昔何無袴今襦袴蠶經織譜君當歌

再示諸生

漫喜篇章徒涉獵新知尤貴故能溫浮名巧取矜花樣
眞實由來正法門歧路易迷車失軌盈溝立涸水無根
前賢矩矱分明在蘇海韓潮細討論

檢詩

萬事於今且息肩閉門無事日高眠支吾病骨經三載
檢點詩篇又一年過眼煙雲餘舊稿閑身風月入新編

江湖魏闕情多少。落落孤吟總悵然。

與李九畹

秀

四丈清談竟日

我之大母君姨母。親則吾丈誼吾友。名山風雨昔同研。
彈指光陰今皓首。君家居止明月鄉。山骨炯炯垂寒芒。
無盈無缺無顯晦。千秋萬歲懸清光。公所居處有石如明月故地名因之
賸欲從君游汗漫。日日呻吟坐長歎。我有明月天之涯。
萬里招來掛霄漢。年來逐食走風塵。相思相見倍相親。
但得清談蘇病骨。還邀明月共三人。

偶檢董文敏公各帖

頻年案牘冷繚紉。八法淵源墮渺茫。偶閱晴暉看落落。
可堪白日去堂堂。煙雲突兀揮千紙。筆墨餘閑把一觴。
余近多筆墨之累老眼觀書惟冑監。戲鴻何事問香光。

喜楊小雲

會朝

同年由雲龍歸鄧川便道見訪

僻地幽棲方寂寞。故人枉駕忽經過。蘇湖講學臯比重。
小雲主講石門書院梓里春歸杖履和。野外盤餐生菜足。山中歲
月閉門多。十年一晤旋分手。咫尺天涯悵若何。

鷓鴣行

鸞鳳餐竹實。鷓鴣啄腐鼠。共此五色質。難爲同日語。世

人重皮毛。鷁鷁誤鳳凰。飲啄不復問。文彩徒矜張。鷁鷁
嘲鸞鳳。爾何太孤異。觀吾不擇食。一飽殊快意。快意誠
有之。汙穢可奈何。惻惻鸞鳳心。何時挽頽波。

放歌行

志欲安一世。一身乃轆轤。志欲醫一國。一身反沉疴。愚
者惟自私。智者方蹉跎。嗟嗟末世心。陷溺何其多。入世
期有濟。自信心無他。造物不我與。蒿目當如何。我欲竟
此曲。此曲難爲歌。毋爲兒女態。悲憤徒滂沱。

歎息復歎息

歎息復歎息。處世惡皎潔。皎潔如雪霜。何能勝炎熱。炎熱猶自可。行人妒煞我。黑白殊分明。此道與時左。皎潔亦天付。摧頹誰所爲。青冥不可問。我心終不移。

已聞官軍自粵凱旋。復聞喚夷闖入浙閩。感憤三

十二韻

睿慮關民瘼。

道光十八年以鴻臚黃爵滋一疏特嚴鴉片烟之禁

狂氛拂海鯨。庸

臣原辱國。

大學士琦善曾和夷與地故云

小醜竟稱兵。聲勢連三省。披

猖動百城。狼貪看反覆。不突更縱橫。鼙鼓濤頭震。狂飈

海岸驚。天河方洗甲。妖彗尙欖槍。上將來長白。

天戈下玉京。寒雲愁海國。毒霧塞邊程。絡繹常山勢。蒼涼細柳營。瘡夷憐近地。供億困疲氓。夷性真難測。

天威許乞盟。凱歌方接續。兵氣又崢嶸。聞道南中督。深慚越甲鳴。恨難吞逆虜。憤竟至捐生。塞上風雲慘。行間涕淚并。三軍方帥奪。一死但毛輕。致命能如此。危巢不足傾。何難轉戰入。坐使陣雲平。此日氛仍惡。普天憤共盈。

邊防殊倉卒。漢賊有將迎。

聞有內地人爲奸細

在昔朝宗日。曾

看跋扈情。

嘉慶年間

映夷入貢。使者稍形跋扈。策其必反。添設水師。

賊形同鬼

蜮。

廟算自神明。津口添雄鎮。香江立漢旌。中原需

將略邊塞仰垂成。橫海師逾整。么麼勢就烹。聖朝
本寬大。餘孽敢支撐。巨礮樓船迅。高烽斥堠明。羣生出
塗炭。諸將效精誠。魑魅仍多詐。熊羆輒敢撓。但思專勇
決。切勿計功名。此虜非強敵。何人荷國楨。倘能博
強健。還欲請長纓。

答李蔚南

閑居難自適。獨酌欲誰親。濠上逢莊樂。樽前訪戴頻。論
新詩竟夕。憶往事傷神。珠玉空投報。忘形始見真。

題楊嶰谷昆華聯吟集

韓康新藥肆。暨社舊詩盟。巴徼來仙吏。騷壇共友聲。

集爲

蜀中楊蓉渚大令所編

湖山多氣象。蒼洱最崢嶸。

集中多嶠谷詩且多榆城諸友

慚愧風塵客。斯時正遠征。

余時宰江南未與其會故云

謝石臞將司訓吾邑來信已月餘。踰望久之。悵然有作。

已到經時信。何稽半月程。途長應努力。天末正關情。景入殘年逼。山看落日橫。逢人問司訓。翹企魯諸生。

病馬行

偉哉造物何蒼茫。荒山頓產真乘黃。眼前病馬爾何物。